

# Bekas Mufti Selangor meninggal dunia

**S**HAH ALAM: Bekas Mufti Selangor, Datuk Hassan Omar, 86, (gambar) meninggal dunia di sebuah hospital swasta di Damansara, pada jam 2.25 pagi semalam, dipercayai akibat sakit jantung.

Allahyarham yang dilantik menjadi Mufti pada Februari 1976 hingga Jun 1985, selamat dikuburkan di Makam Diraja Shah Alam, Seksyen 5, di sini, pada jam 12.20 tengah hari.

Allahyarham meninggalkan seorang balu, enam anak lelaki dan tiga perempuan.

Dilahirkan pada 16 November 1922 di Kuang, Selangor, Allahyarham mendapat pendidikan awal di Sekolah Melayu Kuang sebelum melanjutkan pelajaran ke Sekolah Agama Arab Kuang.

Pada 1939-1942, Allahyarham melanjutkan pelajaran ke Madrasah Diniah, Bukit Tinggi, Indonesia dan seterusnya belajar hanya enam bu-



lan di Sekolah Normal Islam di Padang, Indonesia apabila negara itu diserang Jepun.

Pada 1943-1944, Allahyarham mengajar di Sekolah Agama Rakyat Segambut sebelum bertukar ke sekolah Agama Kerajaan Kuang pada hujung 1944 hingga 1960.

Allahyarham kemudian dilantik menjadi Kadi di Kuang, sebelum ditukarkan ke Klang dengan jawatan sama 1961.